

REŽIJA DINE MUSTAFIĆA

Uoči premijere "Osramoćenih": Kako očuvati kulturne institucije i zašto je to važno

L. K.

3.7.2020. u 13:56

3

komentara

101

dijeljenja



Dino Mustafić

Zemaljski muzej BiH

Udruženje Kontakt



Foto: D. S./Klix.ba

U Botaničkoj bašti Zemaljskog muzeja BiH danas je održana press konferencija uoči premijere "Osramoćenih", nove predstave reditelja Dine Mustafića. Prisutni su objasnili o čemu govori tekst, kakva su očekivanja i zbog čega predstavu igraju u Zemaljskom muzeju BiH.

"Osramoćeni", tekst nagrađen Pulitzerovom nagradom 2013. godine, bavi se i danas aktuelnim društveno-političkim temama kao što su islamofobija i pitanja rasnog, vjerskog i nacionalnog identiteta.

On dubinski secira posljedice terorističkih napada širom svijeta na odnose među kolegama, prijateljima ili čak bračnim partnerima koji dolaze iz različitih kultura i u našem naizgled liberalnom i multikulturalnom društvu.



Dino Mustafić (Foto: D. S./Klix.ba)

"Kao što je to Kontakt radio i u ranijim produkcijama, kao jedna alternativna, nezavisna scenska platforma, i ova predstava ima poseban senzibilitet za one tekstove koje nazivamo kontroverznim, da su društvenopolitički angažovani, da uvažavaju socijalno politički refleks naše stvarnosti - takva je stvar i s ovim tekstom", započeo je Mustafić.



Snežana Bogičević i Boris Ler (Foto: D. S./Klix.ba)

Rijetkost je da na našim scenama gledamo recentnu dramsku literaturu, dodaje Mustafić.

"Ovo je predstava u kojoj ćemo prepoznavati i naše vrlo kompleksne društvene probleme od kojih bih posebno želio istaći odnos manjinskog identiteta spram većinskog. S druge strane je koncept multikulturalnih ideologija i društava i šta unutar toga taj dijalog znači. Koliko može da opterećuje društvenu stvarnost, koliko može biti oslobađajući i koliko može biti društveno breme", nastavlja objašnjavati.



Lazar Dragojević (Foto: D. S./Klix.ba)

Cvitanović i Mustafić su istakli kako su ciljano birali lokaciju Zemaljskog muzeja BiH, kazavši kako nerijetko nismo svjesni blaga oko nas.

"To su obično one institucije koje kolektivno memoriraju sve ono što je zajedničko i jedinstveno s bh. adresom. Mi smo željeli vrlo jasno i kroz izvedbe ovakvog teksta i ovog konteksta pokazati koliko je identitet važan ako je otvoren, dijalektičan i univerzalan", dodao je Mustafić zahvalivši se pritom direktoru Zemaljskog muzeja BiH Mirsadu Sijariću za razumijevanje i podršku.

Prisutnima se obratio i Sijarić, kazavši kako je cilj uprave muzeja povratak na mjesto na kojem su nekad bili.



Mirsad Sijarić (Foto: D. S./Klix.ba)

"Ova institucija je značajan igrač i glavni faktor kulturnih i naučnih dešavanja u BiH od 1886. godine i mi ovu situaciju koja traje 25 godina gledamo kao nešto prolazno. Isto tako gledamo i BiH kao prolaznu kategoriju, mi ovdje nismo samo da predstavljamo kulturno i prirodno naslijeđe samo naše države, već i Evrope i ostatka svijeta. Radimo na tome da poboljšamo situaciju u kojoj se nalazimo, nama je najvažnije da je muzej otvoren", kaže Sijarić.



Foto: D. S./Klix.ba

Muzej je dio slike Sarajeva, otvoren je za sve ozbiljne projekte, dodao je.

"Želimo da se ljudi osjećaju ugodno, ne pod moranje, nego jer žele. Da se ovdje naša želja, da se ljudi pitaju o samoj sebi i društvu u kojem žive. Drago mi je da su umjetnici ovdje i da rade svoj posao", zaključio je.



Ermin Bravo (Foto: D. S./Klix.ba)

U novoj predstavi "Osramoćeni" uloge će tumačiti Ermin Bravo, Maja Izetbegović, Boris Ler, Snežana Bogičević i Lazar Dragojević, dok predstavu vizuelno oblikuje Mirna Ler, muzičku kompoziciju potpisuje Mirza Redžepagić, a dizajn Ismar Žalica.

Producenti predstave su Narcisa Cvitanović i Alban Ukaj, a izvršni producent je Benjamin Čengić. Podrška projektu Rockefeller Brothers Fund.

Najnovije Najčitnije Preporuke

KODDOVI ZA PRETRAGU

Kako pronaći "skrivenne" filmove i serije na Netflixu

7m

🔍 2 🗨️ 2

REŽIJA RIDLEYJA SCOTTA

Oskarovac Joaquin Phoenix će glumiti Napoleona Bonaparteu u filmu "Kitbag"

6h 11m

🔍 35 🗨️ 15

FEBRUARSKO IZDANJE

Osim britanskog Voguea, Dua Lipa krase i naslovnu magazina Rolling Stone

7h 6m

🔍 37 🗨️ 88

U SAD-U

Prvo izdanje stripa o Batmanu iz 1940. prodano na aukciji za 2,2 miliona dolara

8h 13m

🔍 9 🗨️ 9

MEMORIJALNA SCENA 2532

U Mostarskom teatru mladih večeras repriza "Hiljadarke"

8h 51m

🔍 15 🗨️ 1

Forum

Dobre serije zbog koje bi izgubili pamćenje	24
Gledali ste, ne preporučujete	5K
Gledate seriju - preporučite je	23K
Klub filma	700
Sta trenutno slušate IV	63K
Dokumentarni filmovi - Preporuke?!	1K
Gledali ste film, preporučite ga drugima	52K